

VISITE HISTORIQUE DE CUCURON PAR ELIE LÈBRE. 8° extrait

Elie Lèbre, agriculteur à Cucuron (1920-1991), a écrit et enregistré pour une émission radiophonique l'histoire et la description de notre village. Il se réfère aux ouvrages qui ont été écrits sur le sujet, notamment « Cucuron » de Maurice Taron (Luberon Nature, 1979). Le texte ci-dessous continue la visite du village à partir de la Mairie.

Pas luench d'aquì i a la **Comuna**, un bèl **ostau** de la fin dau siècle **quingen**. Era la residènci de la familha dau Rore, li apartenguèt jusqu'a la fin dau siècle passat, quora la Comuna vo li **crompèt**. Coma vos l'ai dejà dich, lei membres d'aquela familha an tres siècles de tèmps òcupat de fonciens importèntas dins lo país. Just faça a la Comuna i a un ostau qu'amé sa façada reguliera retèn l'atencien. Era la Comuna de 1806 a 1878. Mai quora relargissèron la **carriera** en 1895, la façada siguèt reculada de mai de 2,50 m, e lei bèlei **pèças** d'aquel ostau siguèron reduchas d'autant.

Avans d'intrar dins la primera **encencha**, e de veire lei pus vièlhs quartiers de Cucuron, fau dire que dins bèn de carrieras monte avèm pas passat, i a pron de **cavas** a veire, entre autrei lo Portau de Ginos, bèn conservat, que fa partida de l'encencha de 1541.

Reprenem ara nòstra vesita en se retrouvant davant la torre dau **Relògi**, qu'es l'anciana grand pòrta de la primera encencha. La data de sa costrucien remonta coma aquela dau barri au siècle **onzen**, mai siguèt de segur **remanejada** mai que d'un còp. Au siècle **segn** li **auborèron** dessus una torre e un clochier amé lo premier relògi. La primera **campana**, crompada pèr soscrucien, siguèt fonduda en 1535.

Lo clochier es dòminat pèr una bèla **cros** en fèrre **fargat** coma aquela dei còmtes de Tolosa. Lei pichòtas cros que son ai cantons dau clochier èron dauradas. La pèça metalica que se ves sota la cros es un **tròç** de giroeta, mai la legènda vòu li veire la representacion d'una **babaròta**, pèr justifica lo diton : « Tant que la barbaròta es au clochier, es pas dins lo granier ».

Vocabulari

auborar : dresser

babaròta ou barbaròta : nom de divers insectes, notamment le charançon

carriera : rue

campana : cloche

cava : chose

Comuna : Mairie, municipalité

crompar : acheter

cros : croix

encencha : enceinte

fargat : forgé

onzen : onzième

ostau : maison

pèça : pièce

quingen :quinzième

relògi : horloge

remanejar : remanier

segn : seizième

tròç : morceau

La « barbaròta », en fait reste d'une girouette détériorée par les intempéries, a récemment été enlevée du clocher. Le dicton renvoie peut-être à une croyance selon laquelle la représentation de cet insecte sur un édifice pouvait en protéger les cultures.